



BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
MINISTARSTVO ZA OBRAZOVANJE, MLADE,
NAUKU, KULTURU I SPORT

BOSNIA AND HERZEGOVINA
FEDERATION OF BOSNIA AND HERZEGOVINA
BOSNIAN-PODRINJE CANTON GORAZDE
MINISTRY OF EDUCATION, YOUTH, SCIENCE,
CULTURE AND SPORT

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
БОСАНСКО-ПОДРИЊСКИ КАНТОН ГОРАЖДЕ
МИНИСТАРСТВО ЗА ОБРАЗОВАЊЕ, МЛАДЕ,
НАУКУ, КУЛТУРУ И СПОРТ

Broj:10-14-2090/18

Goražde, 12.06.2018. godine

Na osnovu člana 12. Zakona o ministarstvima i drugim tijelima kantonalne uprave Kantona („Službene novine Bosansko – podrinjskog kantona Goražde“, broj: 9/13 i 13/13), a u skladu sa Uredbom o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Bosansko podrinjskog kantona Goražde broj: 03-14-866/16 od 10.06.2016. godine i Programom utroška sredstava Ministarstva za obrazovanje, mlade, nauku, kulturu i sport sa ekonomskog koda 614 100 (KAN 002) — Tekući transfer za kulturu za 2018. godinu broj: 10-14-268-2/18 od 06.03.2018.godine i broj: 10-14-268-6/18 od 06.06.2018.godine, Ministarstvo za obrazovanje, mlade, nauku, kulturu i sport, *r a s p i s u j e*:

JAVNI POZIV

**za prijavu prijedloga projektnih aktivnosti za učešće u Programu
utroška sredstava Ministarstva za obrazovanje, mlade, nauku, kulturu i sport
sa ekonomskog koda 614 100 (KAN 002) – Tekući transfer za kulturu za 2018. godinu**

I. Predmet Javnog poziva

Predmet Javnog poziva je dodjela novčanih sredstava za sufinansiranje projektnih aktivnosti u svrhu ostvarivanja ciljeva Programa utroška sredstava Ministarstva za obrazovanje, mlade, nauku, kulturu i sport sa ekonomskog koda 614 100 (KAN 002) – Tekući transfer za kulturu za 2018.godinu (u daljem tekstu: Program) i to:

- Podrška razvoju kulture i afirmisanje kulturnih vrijednosti na području Bosansko – podrinjskog kantona Goražde (u daljem tekstu: Kanton).
- Podrška razvoju i afirmaciji tehničke kulture na području Kantona.

II. Pravo prijave na javni poziv

Pravo prijave na javni poziv pod tačkom I. stav a). ovog Javnog poziva imaju pravna lica, i to:

- Općine iz sastava Kantona – organizatori manifestacija iz oblasti kulture,
- Javne ustanove kulture sa područja Kantona – organizatori manifestacija iz oblasti kulture,
- Kulturno umjetnička društva i
- Udruženja.

Pravo prijave na javni poziv pod tačkom I. stav b). ovog Javnog poziva imaju pravna lica, i to:

- Udruženja tehničke kulture.

III. Kriteriji

Da bi predložene projektne aktivnosti bile sufinansirane moraju zadovoljiti određene Kriterije utvrđene u Programu, a isti su navedeni u nastavku ovog Javnog poziva.

Kriteriji prihvatljivosti za učešće u Programu (opći i posebni)

Prijedlozi projektnih aktivnosti se najprije razmatraju kako bi se utvrdilo odgovaraju li u potpunosti sa općim kriterijima prihvatljivosti za učešće u Programu ali i posebnim kriterijima prihvatljivosti za učešće u Programu.

Opći kriteriji

Prihvatljivi su oni prijedlozi projektnih aktivnosti koji / čiji:

- su predlagači udruženja registrovana na bilo kojem nivou vlasti u Bosni i Hercegovini te u tom smislu i dostavili Rješenje o registraciji odnosno Uvjerenje iz registra udruženja izdato u vrijeme podnošenja zahtjeva, izuzev iz Registra udruženja koje vodi Ministarstvo za pravosuđe, upravu i radne odnose Kantona, koje Ministarstvo kao nosilac budžetskih sredstava pribavlja po službenoj dužnosti.
- realizacija je od interesa za građane Kantona ili doprinosi razvoju i afirmaciji Kantona i provodi se na području Kantona;
- su predlagači dostavili Uvjerenje o poreskoj registraciji - identifikacioni broj;
- su predlagači dostavili Uvjerenje o izmirenim poreskim obavezama a oni predlagači koji nemaju neizmirenih obaveza mogu dostaviti ovjerenu izjavu kod nadležnog organa da nemaju neizmirenih obaveza kojom to potvrđuju;
- su predlagači dostavili Uvjerenje o izmirenim porezima i doprinosima za zaposlenike (ukoliko ima zaposlenika) a oni predlagači koji nemaju uposlenih mogu dostaviti ovjerenu izjavu kod nadležnog organa da nemaju uposlenih kojom to potvrđuju;
- su predlagači dostavili Program rada za tekuću godinu sa obrazloženjem;
- su predlagači dostavili finansijski plan za tekuću godinu;
- su predlagači dostavili Izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu) sa izuzetkom onih predlagača koji su registrovani u prethodnoj godini;
- predlagači dostavili finansijski Izvještaj o utrošku sredstava za projekte odobrene u prethodnoj godini sa izuzetkom onih predlagača koji su registrovani u prethodnoj godini;
- su predlagači dostavili popunjen obrazac za aplikaciju za sufinansiranje projektnih aktivnosti.

Određbe općih Kriterija ne odnose se na Općine iz sastava Kantona kao organizatore manifestacija iz oblasti kulture i Javne ustanove kulture sa područja Kantona, osim:

- da je realizacija od interesa za građane Kantona ili doprinosi razvoju i afirmaciji Kantona i provodi se na području Kantona;
- da su predlagači dostavili finansijski izvještaj o utrošku sredstava za projekte odobrene u prethodnoj godini i
- su predlagači dostavili popunjen obrazac za aplikaciju za sufinansiranje projektnih aktivnosti.

Posebni kriteriji

Razvoj kulture i afirmisanje kulturnih vrijednosti na području Kantona u svim oblicima stvaralaštva, prenošenja i očuvanja kulturnih vrijednosti u oblasti književne, muzičke, plesne pozorišne, likovne, filmske i video djelatnosti, očuvanje kulturnog i prirodnog naslijeđa, arhivske, muzejske, izložbene i bibliotečke djelatnosti kao i izdavaštva, kinematografije i radija i televizije.

Razvoj i afirmaciji tehničke kulture na području Kantona u oblasti tehničke kulture odnosno tehnički odgoj, obrazovanje i osposobljavanje djece i omladine, naučnotehničko stvaralaštvo i unaprjeđenje pronalazaštva, inovatorstva i racionalizatorstva, radioamaterizam, foto, filmske i video aktivnosti, aero-aktivnosti, ronilačke aktivnosti, tehničke sportove i naučno-tehničke manifestacije.

Kriteriji ne prihvatljivosti za učešće u Programu

Neprihvatljivi su oni prijedlozi projektnih aktivnosti koji / čiji:

- podrazumijevaju finansiranje plaća (bruto i neto lični dohodak i osnovna djelatnost),
- su na drugi način ostvarili finansiranje ili sufinansiranje iz Budžeta Kantona,
- imaju jedinu svrhu korist zaposlenih u pravnom licu,
- podrazumijevaju finansiranje adaptacije, rekonstrukcije, investiciono ulaganje u obnovu objekata, kupovina opreme i slično (pod opremom se ne smatra potrošni materijal i odjevni predmeti neophodni za realizaciju predloženih projektnih aktivnosti iz djelatnosti kulture),
- predlagač nije dostavio Izvještaj sa kompletnom dokumentacijom kojom se dokazuje da su sredstva u prethodnoj godini dobivena od Vlade Bosansko – podrinjskog kantona Goražde ili Ministarstva za obrazovanje, mlade, nauku, kulturu i sport namjenski utrošena,
- akti predlagača na koje se odnosi Zakon o udruženjima i fondacijama („Službene novine Federacije BiH“, broj: 45/02) nisu usklađeni sa istim,
- predlagač ne ispunjava Kriterij prihvatljivosti za učešće u Programu (opće kriterije i posebne kriterije).

Selekcijski Kriteriji

Podnosioci prijedloga projektnih aktivnosti moraju imati profesionalne vještine i kvalifikacije za obavljanje predloženih projektnih aktivnosti (operativna sposobnost). U tom smislu Listu realizovanih projekata i programa manifestacija u 2017. i CV osobe odgovorne za provođenje projektnih aktivnosti u ime svakog prijedloga projektnih aktivnosti moraju biti dostavljeni kao dio prijave.

Bodovni Kriteriji

Bodovni kriteriji čine osnov za procjenu kvaliteta prijedloga projektnih aktivnosti. Oni sadrže elemente kvaliteta i kvantiteta, od kojih svaki nosi određen broj bodova na način kako je to definisano u Programu.

IV. Odabir korisnika i dodjela sredstava

Sve dostavljene prijedloge projektnih aktivnosti pregleda i ocjenjuje Komisija imenovana od strane Ministra za obrazovanje, mlade, nauku, kulturu i sport. Komisija daje Ministarstvu za obrazovanje, mlade, nauku, kulturu i sport prijedlog o raspodjeli sredstava, predlaže listu predlagača ili projekata koji zaslužuju pomoć na osnovu postignutih bodova i raspoloživih sredstava, te sačinjava Obavještenje za sve predlagače prijedloga projektnih aktivnosti sa mogućnošću prigovora Ministarstvu za obrazovanje, mlade, nauku, kulturu i sport. Konačnu raspodjelu sredstava sa utvrđenom listom predlagača ili projekata donosi Vlada Kantona na prijedlog Ministarstva za obrazovanje, mlade, nauku, kulturu i sport.

V. Obrazac prijave

Obrazac prijave je sastavni dio Javnog poziva.

VI. Preuzimanje Javnog poziva

Javni poziv sa obrascem prijave može se preuzeti na internet stranici Ministarstva za obrazovanje, mlade, nauku, kulturu i sport Bosansko - podrinjskog kantona Goražde www.mo.bpkg.gov.ba i internet stranici Vlade Bosansko - podrinjskog kantona Goražde www.bpkg.gov.ba te u prostorijama Ministarstva za obrazovanje, mlade, nauku, kulturu i sport Bosansko - podrinjskog kantona Goražde (ulica 1. slavne višegradske brigade broj 2a Goražde, soba broj 24.)

VII. Rok za podnošenje prijave

Rok za podnošenje prijave prijedloga projektnih aktivnosti za učešće u Programu je do 29.06.2018. godine na adresu:

**Bosansko – podrinjskog kantona Goražde
Ministarstvo za obrazovanje, mlade, nauku, kulturu i sport
(Komisija za pregled i ocjenu prijedloga projektnih aktivnosti)
1 Slavna višegradska brigade 2a Goražde**

Sa naznakom:

**«NE OTVARAJ – PRIJAVA ZA JAVNI POZIV –
TEKUĆI TRANSFER ZA KULTURU ZA 2018 GODINU»**

VIII. Način objave i dodatne informacije

Javni poziv se objavljuje u elektronskim medijima na području Kantona, službenoj internet stranici Ministarstva za obrazovanje, mlade, nauku, kulturu i sport Bosansko – podrinjskog kantona Goražde i Vlade Bosansko – podrinjskog kantona Goražde kao i oglasnoj ploči Kantona.

Zainteresovana lica za dodatne informacije u vezi sa realizacijom Javnog poziva mogu dobiti u Ministarstvu za obrazovanje, mlade, nauku, kulturu i sport Bosansko - podrinjskog kantona Goražde na telefon 038/224-259.

Ministarstvo za obrazovanje, mlade, nauku, kulturu i sport Bosansko - podrinjskog kantona Goražde zadržava pravo poništenja ovog poziva do odabira korisnika sredstava, bez obaveza pismenog ili usmenog obrazloženja kao i bez obaveza snošenja troškova za podnošenje zahtijeva po ovom pozivu.

MINISTAR

Damir Žuga, prof.